

ՀԱՅՈՐՈՒՆՆԵՐԸ ՍՏԱԼԻՆԴՐԱԴԻ ՀԵՐՈՍԱՄԱՐՏՈՒՄ

Ժ. Ա. ԳՐԻԴՈՐՅԱՆ

1942 թ. հուլիսին, երբ դերմանական հարվածային խմբավորումները Դոնի մեծ ուղորանում ճեղքեցին սովետական զորքերի պաշտպանությունը, սկսվեց Ստալինգրադի ճակատամարտը: Վոլգայի ափերը դուրս գալու համար ֆաշիստական հրամանատարությունը կանգ չէր առնում ո՛չ մարդկային զոհերի և ո՛չ էլ տեխնիկայի կորուստների առջև:

Ինչպես Հայրենական մեծ պատերազմի բոլոր ռազմաճակատներում, ունյալն էլ Ստալինգրադի հերոսամարտում հայ ժողովրդի զավակները փառքով պսակեցին իրենց:

1942 թ. ամռանը, թշնամու գերակշռող ուժերի ճնշման տակ, դեպի հարավ նահանջող մեր զորամասերի մեջ էին նաև 76-րդ, 15-րդ գվարդիական և 138-րդ հրաձգային դիվիզիաները, որոնք պաշտպանական դիրքեր գրավեցին Ստալինգրադի մատույցներում: 76-րդ և 138-րդ դիվիզիաները հետագայում մարտնչեցին նաև բուն քաղաքում:

Դոնի և Վոլգայի ափերին մղված մարտերի սկզբում 76-րդ հրաձգային դիվիզիայի հրամանատար է նշանակվում Նիկոլոզ Թավարթբեկյանը: Ճնշմանը այդ դիվիզիան, — գրում է նա, — ես հիշում էի, որ դարեր շարունակ վրացիները և հայերը միասին, ուս-ուսի տված, պայքարել են մեր երկիրը ներխուժած թշնամիների դեմ: Չէ՞ որ կովկասյան ժողովուրդների եղբայրությունն ամրապնդվել է արյամբ: Մեր նախնիների այդ ավանդույթները շատ բան էին պարտավորեցնում: Մենք անվախ սկսեցինք գործել, որով արդարացրինք հայրենիքի հույսը¹:

Մարտերի յուրաքանչյուր օրը նոր սխրանքներ էր ծնում: Միայն օգոստոսի 7—8-րդ 93-րդ՝ Վոլգայի գետի մարտիկները ոչնչացնում են թշնամու երեք զրնդացի, բազմաթիվ դատեր ու դժոխքներ և մոտ 70 հիտլերական: Այդ մարտերում իրեն գերազանց է դրսևորում հետախուզական ջոկի հրամանատար Մինաս Ռոզոնյանը²: Դիվիզիայի «Վորոշիլովցի» թերթի 1942 թ. սեպտեմբերի 19-ի համարում գրվեց Մինասի սխրանքների մասին: Սակայն նրա վերջին մարտը տեղի ունեցավ սեպտեմբերի 17-ին. Կլետսկայա կայարանի շրջանում հետախուզություն կատարելիս Ռոզոնյանը հայտնաբերում է թշնամու երկու դիտակետ և երեք զնդացրային կետ, որոնց ոչնչացմամբ մեր հետևակին առաջ շարժվելու հնարավորություն է ընձեռվում: Մարտնչելով հետևակի դեմ, Ռոզոնյանը ոչնչացնում է 10 հիտլերական, սակայն ինքն էլ հերոսաբար զոհվում է այդ մարտում և հումա հու պարգևատրվում Կարմիր դրոշի շքանշանով³:

1 Ն. Թավարթբեկյան, Եղև են այսպիսի օրեր, Երևան, 1965, էջ 12:

2 ՍԱՀՄ պաշտպանության միևնույն արխիվ (այսուհետև ՍՍՀՄ ՊՄԱ), 51-րդ գրավարդիական (76-րդ) հրաձգային դիվիզիայի ֆոնդ, ց. 1, գ. 225, թ. 239:

3 Նույն տեղում, ց. 2, գ. 97, թ. 113:

Գնդի սերժանտ Դավթյանը միայն մեկ մարտի ժամանակ հարձակվող գերմանացիների շարքերի մեջ նետեց 14 նռնակ և ետ շարտեց թշնամու՝ երկու գրոհ։ Նրա ջոկն այդ մենամարտում ոչնչացրեց 47 հիտլերական⁴։ 93-րդ գնդի քաջարի հրամանատարներից էր լեյտենանտ Թորոս Այվաղյանը։ Մարտերից մեկի ժամանակ թշնամու 4 տանկ սլանում են դեպի շորս հրետանավորների դիրքերը։ Տանկերից մեկը պտույտներ է գործում թ. Այվաղյանի խրամատի վրա։ Այվաղյանը վերցնում է հակատանկային նռնակը և պատրաստվում ոչնչանալ տանկի հետ, որը փորձում է առաջ անցնել, բայց Այվաղյանի նռնակը կանգնեցնում է զրահապատ հրեշին։ Դուրս ցատկող երկու հիտլերականները տեղն ու տեղը սպանվում են հայորդու կրակից, երկրորդ տանկը անշարժանում է հրանոթի արկից, երրորդը՝ հրկիզվում է ավադ լեյտենանտ Վոլոդինի դիմահար կրակով՝ հենց Այվաղյանի խրամատի վրա։ Տանկերի գրոհին հաջորդում է հիտլերականների հետևակը։ Այվաղյանը և Գորելովը գնդացրային կրակով են դիմավորում դեպի բարձունքը ձգտող թշնամուն։ Երկու ժամ տևած մենամարտում սովետական ռազմիկները հաղթող են դուրս դալիս։ «Նշանակում է մենք վատ չկռվեցինք» — գրում է թ. Այվաղյանը⁵։ Կլետսկի շրջանի Կարժինսկի ավանի մոտ, նոյեմբերի 15-ին, մարտական առաջադրանքը կատարելիս, լեյտենանտ Այվաղյանը զոհվում է։ Նա ետմահու պարգևատրվում է Կարմիր աստղի շքանշանով⁶։

207-րդ հրաձգային գնդի հետախույզական դասակի հրամանատար Երվանդ Մանվելյանը և սերժանտ Ադոսանովը մինչև 1942 թ. սեպտեմբերի 9-ը գերեցին գերմանական 50 զինվոր և սպա⁷։

207-րդ գնդի գումարտականներից մեկին առաջադրանք էր տրվել անցնել Դոնը և ոչնչացնել գետափին դիրքավորված թշնամու խմբավորումը։ Հրետանային նախապատրաստությունից հետո, դեռ լույսը չբացված, սովետական զինվորները հարձակվում են խրամատավորված հիտլերականների վրա և խուճապի մատնում նրանց։ Մարտի նետելով պահեստային ուժեր, գերմանացիները 400 հոգով անցնում են հարձակման։ Դիվիզիայի հրամանատարությունը հակադրոհի կազմակերպումը հանձնարարում է գնդի հրամանատարի տեղակալ, մայոր Սերոբ Գրիգորյանին։ Նա փայլուն կերպով է կատարում առաջադրանքը։ Գերմանացիները մեծ կորուստներ կրելով նահանջում են։ «Հրամանատար Գրիգորյանի կողմից կրակային միջոցների խելացի կազմակերպումը, մարտի ճշտորոշ և անսխալ ղեկավարումն օգնեց ստորաբաժանմանը հրամանատարությունից առաջադրանքը կատարելու և խուսափելու անտեղի զոհերից»⁸։

Այդ օրերին իրեն հատկապես լավ դրսևորեց գնդի հրամանատար Սամվել Բարսեղյանը։ Մարտերից մեկի ժամանակ նա նկատում է, որ թշնամու ավտոմատավորների մի վաշտ օղակում է գնդի հրետանային մարտկոցը։ Հապաղումը ողբերգական կարող էր լինել։ Բարսեղյանը որոշում է անձամբ հասնել մարտկոցին և ոչնչացնել թշնամուն։ Զինով սուրացող հրամանատարի վրա՝ գերմա-

⁴ «Ворошиловец», 27. I. 1942.

⁵ «Коммунист», 13. II. 1943.

⁶ ՍՍՀՄ ՊՄԱ, 51-րդ գվարդիական հրաձգային դիվիզիայի ֆոնդ, ց. 1, գ. 38, թ. 106, դ. 102, թ. 5:

⁷ Նույն տեղում, դ. 225, թ. 229:

⁸ «Ворошиловец», 21. II. 1942.

նացիները հրետանային կրակ են բացում, սակայն Բարսեղյանը հասնում է մարտկոցին և յուրայինների հետ ոչնչացնում հիտլերականներին⁹։

136-րդ հրաձգային դիվիզիան 1942 թ. փետրվարին արժանացավ զվարդիականի կոչման և վերանվանվեց 15-րդ զվարդիական հրաձգային դիվիզիա։ 1942 թ. հուլիսի 27-ից դիվիզիան դիրքավորվեց Ստալինգրադից հարավ՝ Դուբովի Օվրադ, Պրիվոլժսկ, Ռայգորոդ սահմանագծում։ Արյունահեղ մարտեր ևղան հատկապես օգոստոսի 20—23-ին, երբ թշնամին գերակշռող ուժերով Պրիվոլժսկի սովխոզի և Դուբովի Օվրադի շրջանում հարձակվեց դիվիզիայի ոլորտայինական դիրքերի վրա Ստալինգրադ դուրս գալու համար։

Այդ մարտերում թշնամուն ուժեղ դիմադրություն էին ցույց տալիս դիվիզիայի 44-րդ, 50-րդ հրաձգային, 43-րդ հրետանային գնդերը և 27-րդ առանձին ականանետային դիվիզիոնը։ Օգոստոսի 20-ին 44-րդ գնդի վրա գրոհելիս թշնամին կորցնում է 13 տանկ, 5 ավտոմեքենա, 2 հրանոթ, 55 զինվոր ու սուր, 43-րդ հրետանային գունդը ոչնչացնում է 15 տանկ, 20 ավտոմեքենա¹⁰։

43-րդ զվարդիական հրետանային գնդի երկրորդ մարտկոցի հրամանատարի տեղակալն էր Խաչատուր Գևորգյանը, որը 1942 թ. օգոստոսի 21-ի մարտում իրեն հերոսաբար դրսևորեց։ Թշնամու տանկերի հարձակման ժամանակ, փոխարինելով վիրավորված նշանառուին, նա ոչնչացնում է թշնամու 4 տանկ և երեք ավտոմեքենա։ Այդ պահին կրակագծում ռմբակոծությունից հրդեհվում է արկերով լցված ավտոմեքենան։ Կյանքը վտանգելով՝ Գևորգյանը հանգցնում է հրդեհը, փրկում արկերը և ապահովում մարտկոցի անխափան կրակը¹¹։ Նույն օրը Պրիվոլժսկի սովխոզի շրջանում պաշտպանություն գրաված 44-րդ զվարդիական գնդի հրետանային վաշտի կուսբարտուղար Նավասարդ Միրոյանը հրկիզում է թշնամու 4 տանկ և վերջին պահին զինվելով երկու նոնակով, իրեն նետում է 5-րդ տանկի թրթուրների տակ¹²։ «...Հայրենիքի ազատությունը պետք է պաշտպանել,— դրն է նա իր նամակներից մեկում,— գուցե հայրենիքի համար զոհ գնամ, բայց դարձյալ լավ է պատվով մեռնել, քան թե անդառնալով ողջ մնալ»¹³։

Դուբովի Օվրադի շրջանում գեներալ Կելյատի 48-րդ տանկային կորպուսի դեմ մարտեր էր մղում նաև 27-րդ առանձին ականանետային դիվիզիոնը, որի հրամանատարն էր մայոր Սամվել Հարությունյանը։

138-րդ հրաձգային դիվիզիան արյունահեղ մարտեր մղեց Ստալինգրադի մատույցներում և քաղաքում։ Թշնամին շարունակում էր նոր համալրումներ նետել դիվիզիայի դեմ։ Հուլիսի վերջերից սկսած՝ ամեն օր թշնամին 10—12 ինքնաթիռով ռմբակոծում էր Վորամասի մարտակարգերը և 5—10 անգամ գրոհ կաղմակերպում։ Բայց, սովետական մարտիկները հերոսաբար էին մարտընչում։ Միայն հուլիսի 31-ին թշնամին մարտադաշտում թողեց 1000 սպանված և 2000 վիրավոր¹⁴։ Դիվիզիայի ամբողջ անձնակազմի հետ արիություն և խիզախություն ցուցաբերեցին նաև հայ ռազմիկները։

⁹ ՀՍՍՀ ԳԱ պատմության ինստիտուտի Հայրենական պատերազմի պատմության կաբինետի արխիվ (այսուհետև ՀՍՍՀ ԳԱ ՀՊՊԿԱ), ֆ. 2, գ. 9, թ. 8—9։

¹⁰ ՍՍՀՄ ՊՄԱ, 15-րդ զվարդիական հրաձգային դիվիզիայի ֆոնդ, ց. 104841, գ. 1, թ. 101։

¹¹ «На защите Родины», 25. VIII. 1942.

¹² «Բանվոր», 2. II. 1963։

¹³ «Սովետական Հայաստան», 21. II. 1968։

¹⁴ ՍՍՀՄ ՊՄԱ, 70-րդ զվարդիական (138-րդ) հրաձգային դիվիզիայի ֆոնդ, ց. 1, գ. 1, թ.

Կոստյա Վարդևանյանը 295-րդ հրետանային գնդի 3-րդ մարտկոցի հրամանատարն էր: 1942 թ. օգոստոսի 1-ին նա Կրասնի Յարի շրջանում ոչնչացրեց թշնամու մի քանի կրակակետ և ետ մղեց ռումինացիների երկու գրոհը¹⁵: Օգոստոսի 6-ին Գեներալովսկի շրջանում Վարդևանյանը փոխարինելով շարքից դուրս եկած նշանառուին՝ կանգնեցրեց գերմանացիների առաջխաղացումը: Այդ օրը նա ոչնչացրեց թշնամու մոտ մեկ գումարտակ զինվոր և սպա¹⁶, իսկ օգոստոսի 31-ի մարտում՝ իր ընկերների հետ շարքից հանեց 40 տանկ և 10 ավտոմեքենա: Այդ մարտում Կոստյան ոչնչացնում է թշնամու 6 տանկ և հարսաբար ընկնում արկի բեկորից¹⁷: Կոստյա Վարդևանյանը դիվիզիայում առաջինն արժանացավ լենինի շքանշանի:

1942 թ. նոյեմբերի սկզբներին 138-րդ դիվիզիան, Վոլգային սեղմված, ընկավ կիսաշրջապատման մեջ: Նրա գնդերում հաշվվում էր 70—100-ական մարդ: Միայն նոյեմբերի 11-ին մարտիկները ետ մղեցին թշնամու 6 գրոհ: Նոյեմբերի 13-ի լուսաբացին 1500 ֆաշիստական զինվորներ և սպաներ անցնում են հարձակման: Դիվիզիայի զորամասերին սպառնում էր շրջապատման վտանգը: Թշնամուն ետ մղելու համար դիվիզիայի ամբողջ ուժերը նետվում են նրա դեմ, կռվում են նույնիսկ դնդերի և դիվիզիայի շտաբների աշխատակիցները: Մարտը տևում է 11 ժամ: Սի պահ հակառակորդի 70 ավտոմատավորներ ներխուժում են դիվիզիայի դասավորությունների շրջանը և սպառնում նույնիսկ հրամանատարական կետին: Բայց այդ բոլորներին 18—20 հոգուք բաղկացած մի խումբ քաջեր սվինամարտի են բռնվում թշնամու հետ և հաղթում¹⁸: Նրանց թվում էր դիվիզիայի հատուկ բաժնի ավագ լիազոր Աշոտ Բարսեղյանը, որը ոչնչացրեց 13 գերմանացի և իր օրինակով ոգևորեց մարտիկներին¹⁹: Հակառակորդը նկատելով գնդի կարճատև խուճապը, փորձում է տանկերով և հետևակով օղակել ու ոչնչացնել հրամանատարությունը կորցրած զորամասին: Ստանձնելով գնդի հրամանատարությունը, Աշոտ Բարսեղյանը համարձակորեն առաջ է նետվում և իր հետևից գրոհի տանում գոտեպնդված մարտիկներին: Թշնամին դուրս է շարտվում կարևոր բնագծից: Այդ մարտում հակառակորդը կորցնում է 700 զինվոր և սպա²⁰:

Ստալինգրադի պաշտպանական մարտերում հայ ռազմիկները աչքի ընկան նաև ուրիշ զորամիավորումներում:

Լեզենդար հրամանատարի անուն վաստակեց 14-րդ գվարդիական հրաձգային դիվիզիայի 36-րդ գնդի հրամանատար Մաթևոս Մադաթյանը: Նրա գունդը թշնամու դեմ պայքարելիս ցուցաբերեց ամարտեր վարելու, կրակը և շարժումը միակցելու հմտություն, ինչպես նաև անձնական խիզախություն և արիություն²¹: Միայն ջուրատով կա գյուղում Մադաթյանի գունդը գերի վերցրեց թշնամու 1000 զինվոր և սպա²²: 1942 թ. օգոստոսյան մարտերից մեկում

15 Վոլգոգրադի պաշտպանության արխիվ, թղթ. 389, գ. 1, թ. 46:

16 ՍՍՄՄ ՊՄԱ, 70-րդ գվարդիական (138-րդ) հրաձգային դիվիզիայի ֆոնդ, ց. 1, դ. 3, թ. 18:

17 Նույն տեղում, թ. 15 և 20:

18 Նույն տեղում, գ. 1, թ. 12:

19 Նույն տեղում, ֆ. 345, ց. 5502, գ. 68 (2-րդ հատոր), թ. 58:

20 ՀՍՍՀ ԳԱ ՀՊՊԿԱ, ֆ. 5, գ. 228, թ. 8:

21 «Боевой товарищ», 28. VIII. 1942.

22 ՀՍՍՀ ԳԱ ՀՊՊԿԱ, ֆ. 184, գ. 3, թ. 5:

դնդի ռադիկները խփեցին և հրկիզեցին թշնամու 52 տանկ, ջուլցաբերած հերոսության համար Մազաթյանը պարգևատրվեց Լենինի շքանշանով:

Ստալինգրադի հերոսական պաշտպանության օրերին իրեն փառքով պսակեց «Պավլովի տան» քաղղեկ Վաչե Ավակիմովը: Նա ամենից հաճախ էր լինում այդ տանը, կայազորի անգամների հետ մարտնչում էր թշնամու դեմ. կադմակերպում դրույցներ, տեղեկություններ հաղորդում մյուս ռազմաճակատներից: Հոկտեմբերյան հեղափոխության 25-րդ տարեդարձի նախօրյակին Ստալինգրադի ռազմաճակատի պաշտպանները մարտիկից մինչև գեներալը քաղաքը պաշտպանելու սրբազան երդում ընդունեցին: «Պավլովի տան» կայազորից երգում ընդունեց Վ. Ավակիմովը:

1942 թ. նոյեմբերի 25-ին, 58-օրյա սլաշտպանությունից հետո, հարձակման և անցնում նաև «Պավլովի տան» կայազորը, որի ռազմիկների թիվը հարյուրի կր հասցվել, Վ. Ավակիմովը վաշտի հրամանատար կապիտան Նաումովի հետ միասին կազմակերպում և ղեկավարում է գրոհը: Հարձակման հենց առաջին պահին Նաումովը դուրս է գալիս ղեկավարում է Ավակիմովը: Կայազորը գրավում է «մոլոչնի» կոչվող շենքը, հետ մղում թշնամու վեց հակագրոհ: Հիտլերականները կորցնելով 150 սպանված. նահանջում են: Այնուհետև Վ. Ավակիմովը նշանակվում է 3-րդ գնդացրային վաշտի հրամանատար: Մամակ Կուրգանի հյուսիսային լանջերում, թշնամու շրջապատված խմբավորումը երկու մասի բաժանող դորամասների հանդիպման մասնակիցներից էր նաև Վ. Ավակիմովը: Վ. Ավակիմովի կյանքի թեղի կտրվեց 1943 թ. հոկտեմբերի 3-ին, Դնեպրի անցման ժամանակ:

1942 թ. նոյեմբերի 19-ին Ստալինգրադում սովետական զորքերն անցան վճռական հարձակման: Թշնամու 330 հազարանոց խմբավորումը շրջապատվեց: Սովետական բանակը հուժկու հարվածներով օր-օրի նեղացնում էր շրջապատման օղակը: «Ջոռամասերում երբեք այնպիսի քաղաքական ու բարոյական վերելք չի եղել, ինչպես այդ օրերին»²³, — գրում է Դոնի ռազմաճակատի քաղվարչության պետ Սերգեյ Գալաշևը: Հայազգի գեներալ Ս. Գալաշևը անցել էր Խալխին Գյուլի, ֆիննական կռիվների բովով և կուտակել ռազմական հարուստ փորձ:

Ս. Գալաշևը մեծ գեր խաղաց ամբողջ հերոսամարտում: Ռազմաճակատի հրամանատար Կ. Ռոկոսսովսկու հետ միասին Գալաշևը ղեկավարեց ռազմական գործողությունները: Նա հաճախ էր լինում առաջավոր գծում, ելույթներ ունենում և ոգեշնչում մարտիկներին:

Կարմիր բանակի հրետանու շտաբի սլետի տեղակալ, գեներալ-մայոր հայազգի Իվան Վեբելովը Ստալինգրադում՝ գլխավոր շտաբի ներկայացուցիչ, հրետանու մարշալ Ն. Վ. Վորոնովի հետ հրետանին նախապատրաստեց նոյեմբերյան մեծ հարձակմանը: «Նոյեմբերյան հարձակման ժամանակ, — գրում է Ն. Վ. Վորոնովը, — ինձ հետ միասին հրետանին ակտիվորեն նախապատրաստել է Իվան Վեբելովը»²⁴, Մարշալ Վորոնովը Վեբելովին բնութագրում է որպես «հիանալի պատրաստված հրետանավորի, որը կատարելապես ծանոթ է արդի մարտին և հրետանու մարտական կիրառմանը»²⁵:

²³ «Красная звезда», 10. I. 1943.

²⁴ Н. В. Воронов, На службе военной, М., 1963, стр. 291.

²⁵ ЗУУЗ ԳԱ ՀՊՊԱԱ, ֆ. 15, գ. 3, ք. 29.

Վ. Վոլսկու 4-րդ մեքենայացված կորպուսը ռազմական գործողությունները սկսեց 1942 թ. նոյեմբերյան հարձակման օրերին: Գործելով Ստալինգրադի ռազմաճակատի հարվածային խմբավորման ձախ թևում, կորպուսն առաջինը դուրս եկավ թշնամու դասավորությունների խորքը և միանալով Հարավ-արևմտյան ռազմաճակատի 4-րդ տանկային կորպուսին, Կալաչ քաղաքի շրջանում՝ 1942 թ. նոյեմբերի 23-ին շրջափակեց գերմանա-ֆաշիստական խմբավորմանը: Այդ մարտերում խոշոր դեր խաղաց կորպուսի 60-րդ մեքենայացված ընդհանուր, որի հրամանատարն էր փոխգնդապետ Մեքանալ Կարապետյանը: Բրիգադը նոյեմբերի 20-ին մարտերով դուրս եկավ Պլոզովիտոյի շրջանը, շեշտակի հարվածով գրավեց Տինգուտա կայարանը, ձանապարհ հարթելով թշնամուն աքցանի մեջ վերցնող սովետական զորամասերի համար: Բրիգադը մեծ արիություն ցուցաբերեց Լյապիչևի, Լոգովսկու համար մղված մարտերում, որոնց ընթացքում գրավեց 10 տանկ, 100 ավտոմեքենա, 50 մոտոցիկլ, 20 հրանոթ, և գերի վերցրեց 1000 մարդ²⁶: Լյապիչև քաղաքի համար մղվող մարտերում բրիգադը աղատագրեց սովետական ավելի քան 2000 զինվոր²⁷: Ստալինգրադյան հաղթանակից հետո, Դոնբասի աղատագրման մարտերում ցուցաբերած արիության և խիզախության համար Ա. Կարապետյանն արժանացավ Սովետական Միության հերոսի կոչման, իսկ հետագայում՝ ղեկներալ-մայորի ղինվորական աստիճանի:

Հարավ-արևմտյան ռազմաճակատի 5-րդ տանկային բանակի ռազմական խորհրդի անդամն էր Հայկ Թումանյանը, որը պատերազմի առաջին օրերին պարտիզանական խմբավորումներ էր կազմակերպել օկուպացված տերիտորիաներում: Այդ փորձը նա ձեռք էր բերել Խալանիայում, խռովարարների դեմ մարտնչելու ժամանակ: Թշնամու ստալինգրադյան խմբավորման շրջապատման և ջախջախման օրերին, 5-րդ տանկային բանակին տրված էր ամենավճռական դերը: Բանակը իր ուժեղացված զորամասերով պետք է թշնամուն զրկե խավոր հարված հասցնելով Պերելադովսկիի ուղղությամբ, որից հետո, 21-րդ բանակի զորամասերի հետ համագործակցած, ոչնչացնելու ռումինական 3-րդ բանակի հիմնական ուժերը²⁸: Բանակը պատվով կատարեց հրամանատարություն առաջադրանքը: Բանակի հրամանատար Պ. Ռոմանենկոյի հետ Հ. Թումանյանն իր ավանդը ներդրեց թշնամու ջախջախման գործում:

133-րդ տանկային բրիգադը, որի կոմիսարն էր Գրիգոր Կալուստովը, Ստալինգրադի մատույցներում ոչնչացրեց թշնամու 218 տանկ, և արժանացավ զվարդիականի կոչման²⁹: Գվարդիականի կոչման արժանացավ նաև գլխավոր հրամանատարության պահեստային 114-րդ ականանետային գունդը, որի հրամանատարն էր մայոր Գևորգ Միրզոյանը: Միայն մեկ մարտում 51-րդ զվարդիական հրաձգային դիվիզիայի սերժանտ Արզամ Հակոբյանը խփեց թշնամու շուրջ տանկ³⁰, տանկիստ Սարգիս Սաղաթելյանը՝ 6 տանկ, 9 ավտոմեքենա, 7 հրանոթ և ոչնչացրեց մոտ 300 հիտլերական³¹: Մարտերից մեկում

²⁶ ՍՍՀՄ ՊՄԱ, ֆ. 33, ց. 682525, գ. 12, թ. 236:

²⁷ Մ. Մարտիկյան, Գններալ-մայոր Ասքանալ Կարապետյան, Երևան, 1946, էջ 62:

²⁸ Великая победа на Волге, М., 1965, стр. 229—230:

²⁹ ՍՍՀՄ ՊՄԱ, ֆ. 33, ց. 682524, գ. 1009, թ. 98:

³⁰ ՍՍՀՄ ՊՄԱ, 51-րդ զվարդիական (76-րդ) հրաձգային դիվիզիայի ֆոնդ, ց. 1, գ. 226, թ. 101:

³¹ ՀՍՍՀ ԿԱ ՀՊՊԿԱ, ֆ. 262, գ. 2, թ. 19:

աանկիստ Բենիամին Մինասյանը ոչնչացրեց 10 ավտոմեքենա, 10 հրանոթ, 300 հիտլերական³² և այլն:

Թշնամուն ջախջախելու դործում աչքի ընկած բաղձաթիվ բաշ հայորդիներին են 51-րդ բանակի բաղձարչության կոմերիտիության հրահանգիչ Լևոն Պետրոսյանը, 15-րդ զվարդիական հրաձգային դիվիզիայի 44-րդ զնդի կուրյուրոյի բարտուղար Իվան Թայիրյանը, 29-րդ հրաձգային դիվիզիայի հրամանատարի բաղդոնով տեղակալ Գևորգ խաչատրյանը, 38-րդ հրաձգային դիվիզիայից՝ Սնդրանիկ խաչատրյանը, 58-րդ զվարդիական հրաձգային դիվիզիայից՝ Մակիչ Բայանը, 51-րդ զվարդիական հրաձգային դիվիզիայից՝ Արամ Մամունցը, Արտեմ Քոչարյանը, 214-րդ հրաձգային դիվիզիայից՝ Մինաս Մռավյանը, Հայրապետ Սահրադյանը և շատերը:

Հերոսամարտի ընթացքում իրեն փառքով պսակեց հայ օդաչուների համաստեղությունը՝ Նրանցից՝ Սերգեյ Բուռնազյանը, որը հետմահու արժանացավ Սովետական Միության հերոսի կոչման, ստալինգրադյան օրերին ոչնչացրեց թշնամու 14 ինքնաթիռ³³, իսկ հայազգի փառաբանված օդաչու Նիկոլայ Գորևը՝ գերմանական 12 ինքնաթիռ³⁴։ Իրենց քաջաբար դրսևորեցին նաև օդաչուներ՝ Վլադիմիր և Ստեփան Միկոյանները, Նիկոլայ Սարգսյանը, Սարգիս Մադիկյանը, խաչատուր Պետրոսյանը և շատ ուրիշներ:

Վոլգայի ափերին մարտնչող հայ ժողովրդի զավակները սրբությամբ կատարեցին իրենց տարտբր սոցիալիստական հայրենիքի նկատմամբ։ Սովետական Միության մյուս ժողովուրդների զավակների հետ թև-թևի տված՝ նրանք կրծքով պատենշեցին Վոլգայի ամրոցը և փառապանծ էջ գրեցին մեր հայրենիքի ազատության և անկախության համար մղված հերոսական պայքարի սարկիրության մեջ:

СЫНОВЬЯ АРМЯНСКОГО НАРОДА В СТАЛИНГРАДСКОЙ ЭПОПЕЕ

Ж. А. ГРИГОРЯН

Р е з ю м е

В величайшей Сталинградской битве участвовали сыновья всех народов Советского Союза, в том числе сыновья армянского народа.

Направленные из Армении на фронт 76, 136 и 138-ые (в дальнейшем и 51, 15, 70-ые гвардейские) стрелковые дивизии, которые в начале войны были укомплектованы людскими и материальными ресурсами республики, приняли активное участие в битве на берегах Волги и Дона. Во всех войсковых соединениях, участвовавших в Сталинградской битве, было немало армян. Сыновья армянского народа от рядового до генерала, вместе с сыновьями братских народов нашей страны, вели самоотверженную борьбу против немецко-фашистских захватчиков и вписали немеркнущие страницы в летопись Сталинградской битвы.

³² «Боевой товарищ», 2. I. 1943.

³³ ՀՄՄՀ ԳԱ ՀՊՊԿԱ, Ս. Բուռնազյանի գործ, Թղթ. 1, գ. 1, Թ. 1:

³⁴ Վոլգոգրադի պաշտպանության արխիվ, Թղթ. 245, փաստաթուղթ 4848: